

平定準噶爾方略續編卷十七

乾隆二十七年五月庚子

諭部統侍郎公明瑞等通融派撥回城兵數事

宜 上諭軍機大臣曰明瑞奏稱永貴等所定各城滿洲索倫兵數喀什噶

爾二百一十名葉爾羌阿克蘇英噶薩爾等處各一百四十名必致離其本旗

難資管轄查換班滿洲兵每旗正發皆一百五十名請按滿洲兵六百索倫兵

三百正數喀什噶爾派滿洲兵二百索倫兵一百葉爾羌阿克蘇各派滿洲兵

一百五十索倫兵五十英噶薩爾派滿洲兵一百索倫兵一百等語前永貴將

各城兵數項細分派之費過當今明瑞又斤斤較量所奏亦未明晰此項官兵

非盡駐劄本城兼有臺站卡倫差違即令稍為撥補亦無不可著傳諭明瑞等
彼此通融商酌不必過於拘泥 辛丑 命選侍衛三員派往烏魯木齊

上諭軍機大臣曰據旌額理等奏稱烏魯木齊總管貿易巡察臺站卡倫牧
群等事尚需侍衛人員等語著領侍衛內大臣揀選四員侍衛三員引見派往

陝甘總督楊應琚疏奏將送軍眷移駐官兵 楊應琚奏言准烏魯木齊將

事大臣旌額理咨呈准軍機處議覆現在烏魯木齊兵丁有願願挈眷遷移者

行文陝甘酌量撥送起程隨查原處有願遷官兵二百八十一員名俱給文令

其各回該標營料理臣俱飭令各該地方官遵照議妥協辦理并派委都司

守備等員沿途照管於本年三四月內陸續起程奏入報

聞 乙巳

命補授伊犁厄魯特佐領等官

上諭軍機大臣曰據阿桂等奏稱現在伊

犁新編厄魯特四位領除侍衛庫庫濟克達什部卜珠爾分管三位領外所餘

一位領請以驍騎校楚楚木擬正鄂勒維爾勒圖擬陪其驍騎校現有四缺可

否以虛銜蓋翎和雅克齊等員補授等語伊犁厄魯特從前所編兩位領已

命侍衛碩通等管轄今陸續來校之厄魯特等又增編四位領著照阿桂所請

除庫庫濟克等三員俱補授佐領外所餘一缺著擬正之楚楚木補授其驍騎

校四缺著和雅克齊綽哈普爾普達達等回補授

壬子 烏魯木齊辦事侍

郎旌額理等疏奏製造農具事宜

旌額理等奏言查烏魯木齊屯田農具皆

從內地運送今需用數多若本處有產鐵處所可以採取製造較為省便臣等

訪之舊瓦魯特等聞喀喇巴勒噶遜昌言河源等處向曾產鐵隨饒吐魯番公

素貴瑞派回人採取鐵砂百餘觔鑄試看雖不及內所出尚可共用但伊等

僅能鑄犁鏵刀鐮等器未為熟習因行文楊應琚調取匠役數名前

來製造俾屯田兵丁等習熟後即行發回各入役

聞 臣等 諭陝甘

總督楊應琚核奏欽此

上諭臣等大臣日明德有欲配茶封之奏業

經下部議行但思茶商等照例完保應即多銷獲利何以轉願減少即云近儀

搭放兵餉地方行茶日夥是以不樂多配而兵丁所支茶封恐未必獲利益兵
利有餘則商價自必日損商亦有利更無須抑派兵丁二者不可得兼其理甚
明且現在庫茶實在存積甚多其最難者起於何時近來折餉之外有無存積
應行設法銷售之處著楊應琚逐一通盤查辦務俾公私均益此時新疆生聚
漸繁物產豐裕惟茶必取之內地既繁腳價仍屬有名無實或基站往來之便
量力攜帶分貯俾日久積少成多則不動聲色而其事易集為利亦溥即今戲
明瑞所領各處換領兵三千餘名皆應裹帶鹽菜口糧或兵丁途次需茶而庫
茶有餘可以酌量搭放俾資自用即一面辦理一面奏聞 乙卯 譚鍾麟 札

哈沁烏梁海部諸印信等事宜 奏邊左副將軍或爾布等奏言現在札
哈沁等一旗阿爾巴烏梁海之旗唐努烏梁海四旗若按新改俱在卡倫以外
雖有提督未經頒給印信一切出入行走殊不多便查後請都爾伯特汗王
札薩克等請給印信臣等具奏蒙 恩頒給信牌以備一體賞給其唐努
烏梁海等尚未請習事禮所給印信恐與前部所定之札薩管候該提督
稍知約束所部再行賞給奏入得 旨該部知道欽此烏梁海
人等自乾隆十九年以來陸續歸附隨其戶口多寡編設驍分佐領計札哈沁
一旗九佐領二千餘口烏梁海之旗二千一百餘口唐努烏梁海

四旗十六佐領四千八百餘口雖經補授總管尚未鑄給印信應如成衣札布
所請擬給札哈沁公札木禪札哈沁一旗總管之印一顆烏梁海內大臣察達
克等阿爾台烏梁海二旗總管之印一顆烏梁海四旗總管之印一顆
用滿洲蒙古字照察哈爾總管印信式樣鑄造分別賞給及交該副都統督帶
又阿爾台烏梁海二旗四佐領七百餘口現係總管札納克巴勒桑統
轄可否給與印信該將軍未經奏及應令查明具奏奏入 上從之 閏五
月癸亥朔 喀什噶爾辦事尚書永貴等疏奏查辦續報回地果園事宜 永
貴等奏言從前喀什噶爾查出波羅泥都等果園因伯克等初次呈報不無遺

滿臣等曉示令其首出免罪續據阿奇木伯克噶公默特等於賞給官兵之果園十三處外續報出二十九處自應全行入官但念該伯克等始雖瞻徇一奉曉示即盡行呈首情有可原臣等酌量賞給阿奇木伯克果園三處伊沙噶以下伯克四處又希卜察克布魯特散秩大臣阿奇木英噶薩爾阿奇木伯克嘉勒坦和卓冲噶巴什布魯特阿反勒比等各給一處以為來城住宿之地其餘入官仍交回人看守採取賞給官兵再此等果園內尚有餽馬之首舊草每年可得二萬餘束定額徵收以供飼牧俱造具印冊永遠遵照奏入得 旨如所請行 戊辰 以新疆底定

恩賞在事諸臣世職

宣編中外

上諭大學士曰從前準噶爾部落素不安分憑凌蒙古自噶爾丹時即肆跳梁侵擾喀爾喀西藏是以 皇祖

皇考不惜勞費先後興師征討數十

年來上煩

聖慮伊等野性難馴喜爭奪以致內自生亂互相殘滅爰有

策凌等各率所屬歸誠朕以機會可乘遂將出師掃除凶逆大兵所至勢如破竹不一二年戡定禍難肅清疆宇擬欲終爰有眾俾安生計詎伊等無福承受數應滅亡迭生叛亂是以更遣便師殲除醜類遂有伊犁玉回人為準夷役使波羅泥都霍集占俱被拘於額林哈畢爾噶我兵初定伊犁時念伊等為派噶木巴爾後裔特歸故地乃霍集占受朕深恩毫不知感輒敢反噬傷我王臣因

卷十七

論凱旋官兵乘勝收服葉爾羌喀什噶爾諸回城追剿逆賊兄弟直抵拔達克山部落該酋即載霍集占以獻此皆伊等罪惡貫盈工于

天遣是以軍行

所遇降服者撫抗命者誅數十載未竟之緒五年以來悉為底定拓地二萬餘里均如內地兵民駐劄屯墾誠所謂非常之功也在事奮勉諸臣現經部臣查奏請

旨應得世職者約五百餘人擬以敵愾奏功勞績显著酬庸之典即

稍從優渥亦非賞賚無節者比雖其間實有奮勇出眾及隨營効力之不同但宣力行間均屬勤勞五事正不必過為區別此內除達爾黨阿哈達哈等情事獲罪無容議給世職其餘諸臣俱著照例所奏一體加恩賞給世職各於本

身兼此等皆滿洲世僕得邀恩賞世祿以贍其家更覺充裕而八旗添設
職五百餘員於旗人生計亦大有裨益並將此通諭知之 奉 諭定邊

左副將軍成衮扎布等哈薩克貿易事宜 上諭軍機大臣曰成衮扎布奏

准科卜多副都統札拉豐阿報稱哈薩克阿布賚遣使貢馬九匹所帶馬匹四
百餘已派台吉等禁止貿易護送入覲等語哈薩克來使著派出為首者數人

緩行前往熱河候旨伊等所帶馬匹頗多自必乘便貿易從前阿桂請禁哈薩
克北路貿易蓋慮伊等貪程途近便遂不肯遠至伊犁但伊犁烏里雅蘇台皆
屬內地如過示區別亦於體制未協惟應禁止私市概從官辦而稍增物價減

卷十七

其馬價伊犁等無利可圖自必專向伊犁即令其仍貪近便情願減價則烏里雅蘇台官庫徵匹等物尚有雍正年間收貯者與其後為朽腐而以易馬或就近牧放或酌量披解亦無不可成衣靴布袴奉此旨是業經禁止貿易即以朕旨傳諭准其一體開市伊犁等處滑物價較伊犁有加亦備以蒙古地方價值情形難與伊犁一例至卡倫營站人等私行交易斷宜嚴禁有犯必懲并傳諭阿桂知之 壬申 烏魯木齊辦事侍郎旌額理等疏奏建造兵丁房屋事宜 旌額理等奏言安西移駐烏魯木齊兵丁一千八百餘名約需住房三千六百餘間臣等於去年十月派員統選屯田兵五百名查定老屯住址伐木刈草分造

房屋計本年八月內可以竣事奏入報

聞

戊寅

恭贊大臣阿桂疏奏

相度安設卡倫各事宜

阿桂奏言上年臣駐兵塔爾巴噶台查勘應設卡倫

擬自輝邁拉呼至愛吉斯槽摩多自阿勒坦額默勒至伊犁河岸十七處立木

為記對伊犁河四處壘石為記今春派護軍統領伊勒圖等前往安設訖又據

厄魯特等告稱特穆爾罕克有準噶爾兵墮大銅礮及礮內鉄子臣委護軍統

領伊勒圖等前往採掘得大銅礮四位衝天礮筒八件大小礮子萬餘

顆陸續運回收貯備用俟塔爾巴噶台駐兵時再將所立木石記號之處酌量

安設卡倫奏入報

聞

己卯

補已里坤辦事都統永寧預備換班官

準噶爾

七

付三三

兵羊隻

上諭軍機大臣曰阿桂等奏稱新來伊犁換班之滿洲察哈爾侍

衛官兵等自本年八月起一年內應支食羊三個月共需一萬三千餘隻除牧
放及孳生羊隻外仍需羊七千五百餘隻可否交已里坤大臣辦送等語著照
所請傳諭該大臣等將喀爾喀等往已里坤所售羊隻照數採買選派官兵沿
途加意牧放送往伊犁 庚辰 以已里坤辦事副都統永慶疏奏查撫布魯
特所携軍器傳 諭阿克蘇等處駐劄之臣查核外藩貿易舊例 上諭

軍機大臣曰永慶奏稱布魯特等向在邊境牧人等以貿易前來據卡倫查核
所携烏鎗三桿及事事起程又查出烏鎗三桿及腰刀等件與原數不

符業將軍器扣留給還原價等語而魯特等與回人接壤彼此以軍器交易必
相沿已久有何關係如謂伊犁等心懷叵測豈買得烏鎮救得遂能生事以此推
理轉覺瑣屑但向例禁止與番示未可如著傳諭阿克蘇等處駐劄大臣等會
同查核具奏 壬午 喀什噶爾辦事尚書永貴等疏奏轉送伊犁布足事宜
永貴等奏言前准阿桂咨商以葉爾羌喀什噶爾餘糧所算普爾佳買布足
運送伊犁臣等通計喀什噶爾餘糧及需用各款儘敷辦理其餘再行辦買布
足具奏欽奉 諭旨觀此情形僅敷爾等之用不能再助伊犁何不從實具
奏仰惟 聖明洞鑒無微不至查前次阿桂咨商之時臣等正在預備採買

換班官兵馬匹牧隻是以未能定議今烏魯木齊伊犁大臣俱奏明馬匹牲隻足用停止採買喀什噶爾餘糧作價之普爾除支用外仍可得三千騰格回地每布一疋其價止普爾四十文計辦運布疋二千及染色包裏共用普爾一千九百四十餘騰格以是車送至阿克蘇轉運伊犁仍餘普爾一千五百餘騰格以備來歲之需奏入核

聞

六月二十三日

申補定遠左副將軍成袞

札布等哈薩克貿易事宜

二滴軍機大臣曰成袞札布等奏奉到辦理

哈薩克貿易諭旨隨酌量曉示該使人據稱因道遠多帶馬匹並非專來貿易若有願售者亦可變價等語哈薩克全無向為臣僕具云云遊游牧者與伊犁

烏魯木齊相近自應在彼貿易至阿布齊游牧與古爾班察爾相近在北路行
走為便伊等情願來烏里雅蘇台貿易亦無不可至盜賊爭鬪等事惟派委幹
員照料約束自然安靜其貿易之處可不必停止 癸巳 諭旨 贊大臣札

拉豐阿奏報科卜多屯田情形

上諭軍機大臣曰科卜多新開屯田特派

札拉豐阿前往伊至彼處即應將一切情形一面報知將軍一面具奏迄今數
月雖將墾田二十頃之處呈報一次此時地土肥腴雨澤應將興否及禾苗著
何滋長並未奏及伊係肅贊大臣副都統又專辦軍屯有事自應入告著成袁
札布等傳諭札拉豐阿令將前項情形明白具奏 己亥 命議給世職官